

# 庶物類纂

金屬  
自十七至十八

容

太政官文庫			
和	特別	三	架
書	別	二	函
門		三	冊
		六	
		二	
		號	
		類	
		四	
		六	
		五	
		冊	



內閣文庫	
番號	和 32362
冊數	465(174)
函號	54 1

八七内

共廿







庶物類纂金屬卷之十七目次

泉志

錢譜

庶物類纂

金屬目次



錢 孝建四銖錢 二銖錢 景和錢 鵝眼錢  
梁五銖錢 公式廿錢 五銖鐵錢 大吉鐵錢  
大通鐵錢 大富鐵錢 當十錢 四柱錢 陳五  
銖錢 大貨六銖錢 後魏大和五銖錢 五銖錢  
永安五銖錢 永安土字錢 西魏五銖錢 東  
魏永安五銖錢 北齊常平五銖錢 後周布泉錢  
大布錢 永通萬國錢 隋白錢 唐開元錢  
乾封錢 乾元十當錢 重輪錢 小乾元錢 大  
曆錢 開元大錢 建中錢 新開元錢 咸通錢

後唐天成錢 晉天福錢 漢漢通錢 周周通  
錢

偽品

項梁大錢 吳王濞半兩錢 鄧通半兩錢 王莽  
大錢 小錢 貨泉錢 公孫述鐵錢 董卓小錢  
五銖錢 沉充小錢 張軌五銖錢 王則河陽  
錢 史思明得壹錢 順天錢 李景永通錢 開  
元鐵錢 唐國錢 大唐錢 王建永平錢 通正  
錢 天漢錢 光天錢 王衍乾德錢 咸康錢

孟昶廣故錢 鐵錢 劉襲軋亨錢 鉛錢 馬殷  
 軋封錢 天策錢 錢椒錢 王審知鉛錢 開元  
 鐵錢 王延羲永隆錢 王延政天德錢 馮洪大  
 興錢 劉仁恭土錢 劉守光應天錢  
 不知年代品  
 平當五銖錢 大泉四出錢 大泉五銖錢 雙五  
 五銖錢 左右五銖錢 大元貨泉錢 通行貨銖  
 錢 兩銖錢 續銖錢 兩柱錢 廿錢 雉錢  
 對文錢 五銖錢 定平錢 傳形半兩錢 太平

四錢 兩背錢 一丈錢 四曲文錢 永光錢  
 五金錢 大朝錢 天鎮錢 萬歲錢 大興錢  
 大千錢 天感錢 太興錢 古錢 古文錢 三  
 字錢 十字錢 黃河錢

天品

天帝錢 寶錢 咸陽錢 金五銖錢 五銖錢  
 刀布品  
 白金三品 契刀 錯刀 大布 次布 第布  
 壯布 中布 差布 厚布 幼布 幺布 小布

貨布 大黃布刀 古布刀 蒙城古刀 長平  
 古刀 沂州銀刀 長平異布 異布 異布 異  
 布 異布 異布 異布 異布 異布 異布  
 異布 異布 異布 異布 異布 異布 異布  
 鼻錢 古桐片  
 外國錢  
 罽賓國錢 烏弋山離國錢 安息國錢 大月氏  
 國錢 泥婆羅國錢 何國錢 康國錢 拔汗國  
 錢 條支國錢 拂菻國錢 大食國錢 因墀國

天壽錢 日本國和同錢 神切錢 萬年錢 隆  
 平錢 乾文錢 屋馱國梵書錢 疎勒國大五銖  
 錢 龜茲國五銖錢 吐蕃國胡字錢 倭國延喜  
 錢 梵字錢 契丹國天贊錢 應曆錢 重熙錢  
 清寧錢 大康錢 大安錢 壽昌錢 乾統錢  
 天慶錢 千秋錢 高麗國海東錢 三韓錢  
 東國錢 閻婆國梵書錢 交趾國黎字錢 大秦  
 國錢 三佛齊國錢 佛涅槃國錢 東沃沮國錢  
 新羅國錢 高昌國錢 波斯國錢 甘國錢 大

月氏國錢 小月氏國錢 中天竺國錢 于闐國  
 錢 投和國錢 阿耆國錢 屈支國錢 覩貨邏  
 國錢 梵衍郡國錢 迦畢試國錢 那揭羅曷國  
 錢 健馱邏國錢 室邏伐悉氏國錢 羯若鞠闍  
 國錢 鉢邏那伽國錢 婆羅痾斯國錢 尼波羅  
 國錢 摩揭陀國錢 伊爛拏鉢伐多國錢 幡薩  
 羅國錢 摩突羅國錢 軋陀越國錢 杜薄國錢  
 康居國錢 末祿國錢 軒渠國錢 三童國錢  
 阿鈎羗國錢 舍衛國錢 層檀國錢 裸人國錢

碎葉國錢 驃國錢 巴氏錢 倭錢 寶錢  
 沙州玉錢

奇品

臺主衣庫錢 羅紋錢 翅紋錢 北斗錢 軒轅  
 錢 柄文錢 日月錢 井文錢 雙五錢 雙十  
 錢 星月錢 四五錢 八星錢 鯨文錢 兔犬  
 錢 明月錢 四神錢 萬國錢 龍文錢 三雀  
 錢 龜背錢 水波紋錢 雙星錢 玄武錢 千  
 秋錢 龍鳳重輪錢 雙鳳錢 雙魚錢 四事錢



單面龍鳳錢 龍鳳錢 藕心錢

神品

輕影錢 清水錢 會替船錢 青溪宅錢 大平

錢 齊興郡錢 齊安郡錢 令公百爐錢 廣宗

郡錢 偽趙錢 軒轅錢 孫先生錢 桐城錢

白雀錢 壽春錢 應元錢 北海鐵錢 嚴君平

錢 科斗錢 鷺口洞錢

厭勝品


永安五男錢 七夕錢 福慶錢 撒帳錢 男錢

辟兵錢 千金錢 豐樂錢 君宜侯王錢 長

年錢 富錢 五男二女錢 天下太平錢

機謹按右所載說郭中之錢志也宋洪遵錢志拾  
五卷詳記錢圖各註蓋說郭中所載諸錢之銘目  
而已又三才圖會中引錢志詳悉

錢譜



錢譜

宋 董道

管子曰湯七年之旱禹五年之水湯以莊山之金禹以曆山之金並鑄幣以救人之困也至周始以金銀為錢太公立九府圜法始名為錢錢之形以圓含方輕重以銖國語註云古曰泉後轉而曰錢食貨志曰禹湯始用金錢周立九府圜法貨寶於金利於刀流於泉布於布束於帛言泉之流布通於泉流秦鑄半兩錢漢高祖鑄八銖錢文帝鑄四銖錢武帝鑄五銖

錢又鑄半兩錢又鑄側錢一當五漢興有榆莢錢以前錢難用更鑄榆莢小錢以一當百狀如榆莢王莽鑄貨泉經六分重一銖曰小錢一當十三銖曰法錢一當十五銖曰幼錢一當二十七銖曰中錢一當三十九銖曰壯錢一當四十并大錢一當五十五立為九品漢公孫述鑄鐵錢梁玉鑄鵝眼錢食貨志曰貯藏曰泉流行曰布古文錢半兩漢志曰秦始皇鑄質如周錢重如之其文曰半兩漢呂后鑄重八銖文帝鑄重四銖應劭曰今民間半兩中最小輕者是四銖錢


也漢武帝建元元年鑄重三銖如錢文曰三銖封寅曰三銖又有別銖穿下有二豎文恐以此三畫為三銖之別銖重三銖文曰半兩今有折二小錢共六樣皆篆文五銖漢武帝元符五年罷半兩錢行五銖錢王莽廢光武復興魏帝黃初二年鑄西晉南朝宋武帝亦鑄小五銖錢謂之惟文帝後魏宣帝魏文帝又有鷄目五銖隋文帝鑄小五銖其制輕小八九萬纔滿半斛唐高祖武德四年廢五銖錢行開元錢今以篆文推之有七樣大五銖錢今有內廓者小五銖錢

錢譜 卷二十一 金屬 錢譜 三

亦有內廓者而前文之面後有點兩星大五銖錢無  
內廓者錢之背有點四星者昔人錢譜引錢合曰五  
銖又有穿上一星五字上下各一星南朝梁宋名兩  
柱錢鑊面傍一星至三星者五字之內上下各一星  
上或有小星字或有五字穿上橫文穿下橫文外四  
角缺文有廓無廓濶然不可窮盡疑皆當時工人之  
意非有別於年代今考於古四角缺之有廓無廓自  
是一種總未嘗考也又封寅曰別有最小五銖文輕  
薄未見晉志曰吳興沈克又鑄小五銖錢謂之沈郎

錢是也四道五銖後漢靈帝鑄錢背內廓四角有路  
抵於外輪漢書云靈帝中平三年鑄四出文錢流布  
四海

錢譜曰五銖錢有四出道於邊緣俗謂之角錢或謂  
豈非此錢既成京師將壞而出流布四海乎至董卓  
焚宮乃却鑿與西幸長安悉壞五銖錢矣傳形五銖  
封寅曰傳形五銖劉備所鑄文字輕重大小與五銖  
無別但以五字爲五銖字在右謂之傳形今考古蜀  
嘗鑄矣但不言傳形耳



貨泉王莽所鑄徑一寸重五銖今又有內廓者有重廓者其後光武起春陵泉卿文成白水真人是驗其載也大泉五十國語註曰王莽鑄大錢五十徑一寸二分重十二銖直如其文今有折二錢又有小鑄亦不見多今見鏤有斗劍龜蛇之文者未之考也大泉五百吳王孫權嘉禾五年鑄一當五百文大泉二千未詳所鑄年代一當二千大泉當千吳孫權赤烏元年鑄一當千太平百錢未詳所鑄年代一當百

四銖南朝宋文帝鑄又宋世祖鑄比重四銖直百五銖南朝梁武帝鑄一當百布泉陳文帝天嘉二年鑄錢文曰布泉一當百與五銖並行後周武帝寶定元年亦鑄布錢一當五今有玉筋篆者有柳葉篆文有重廓者董道錢譜云藏曰泉流曰布又引石氏曰錢徑重四銖懸針書曰者自梁武帝以來有之文曰布泉世謂之男錢梁書曰布泉徑一寸重四銖半婦人佩之即生男也天子頻下詔非勅鑄之錢並不許用敦素疑王莽時鑄亦無所

據後周布泉字皆玉筋與此甚異

大貨六銖陳書宣帝記曰大建十一年七月辛卯初  
用大貨六銖隋志曰陳宣帝鑄大貨六銖以一當五  
銖之十與五銖並行後復當一人皆不從乃相與訛  
言六銖錢有不利懸官之象徐氏曰謠言大貨六銖  
有類人又腰突未幾宣帝崩竟至陳亡嶺南諸州多  
以鹽米布交易俱不用此錢矣

五行大布後周武帝紀曰建德三年六月壬子更鑄  
五行大布錢以一當十與布泉並行四年七月又以

邊境之人多盜鑄乃禁五行大布錢不得入四關張  
合曰小者至徑八分舊錢之文上五下行又有上大  
下布者皆古篆文永通萬國後周宣帝紀曰大象元  
年十一月初鑄文曰永通萬國徑一寸三分重十二  
銖背面肉好又有徑一寸二分半重八銖皆一當十  
貨永通泉後周宣帝鑄永泉貨以一當十南唐李璟  
亦鑄大錢以一當十大定錄曰顯德五年七月江南  
李氏鑄永通錢貨永安五銖  
大和五銖後魏獻文帝皇興年中鑄其文曰大和五

銖徑一寸重五銖常平五銖北齊文帝天保三年改  
鑄其文曰常平五銖徑八分重五銖皆篆文

以上右錢計二十一樣自秦至隋所鑄之錢其錢  
之大小文之篆籀廓之有無推之共五十三樣董  
道曰又有所謂異錢雖不見於傳記然制作之近  
古者今錄之如李唐鑄撒帳錢其文有曰長命富  
貴金玉滿堂又有忠孝傳家五男二女天下太平  
封侯拜相之類又博戲之錢背有字皆縵者不及  
錄

平錢

開元通寶唐會要曰唐高祖武德四年七月十七日  
鑄歐陽詢制司及書字含八分篆隸二體俗謂之開  
元通寶其錢徑八分重十二銖積十錢僅重一兩得  
重輕大小之中今開元通寶錢縵有文如初月者談  
賓錄曰武德初行開元通寶錢初進樣時文德皇后  
搯一粉甲痕因不復改鄭虔會碎云熙寧中劉斧橫  
青瑣高議且曰事由明皇貴妃彼徒見錢文有開元  
字便乃謂明皇亦不考實之過又有左排開元錢雙




排開元錢篆字開元錢封寅曰武宗會昌五年鑄開元錢時廢天下佛寺宰相李德裕請以廢寺銅鐘佛像及僧瓶碗等物命所在鑄錢揚州節度使李紳乃以所廢寺品鑄錢背加昌字以表年號又有勅令鑄錢所各加本郡州名為背文

- 京京北洛河南興鳳翔梁汴梁荆江陵桂唐西
- 潭湖南廣廣東福浙東越浙東洪江西潤鎮江
- 昌成都鄂湖廣兗兗州梓東川襄襄州丹河北
- 益四川宣宣州平燕山楊揚州藍藍田

共貳拾參件

乾封泉寶唐會要高宗祀昊天上帝於泰山改乾封年鑄徑一寸重十二銖六分以一當十其年凡舊錢皆廢明年因穀價湧貴商賈不行又明年詔罷之仍行開元錢洎乾封泉寶唐肅宗乾元二年茅五錢請鑄小錢徑寸每緡重十斤與開元通寶參用以一當十今有折二錢又有小錢茅五錢復為相命鑄重輪乾元錢徑一寸四分重十二銖其文兼目背之外廓為之重輪又為之重稜每緡重十二斤以一當五十



法既屢易物貨騰湧米斗錢至七十餓死者滿道上  
元元年減重輪錢一當二十開元舊錢與乾元錢皆  
以一當十代宗即位乾元小錢一當二重輪大錢一  
當三元載作相凡大小錢皆以一當一唐書調之重  
窺錢今有當三折二小錢  
大曆元寶唐代宗鑄  
建中通寶唐德宗鑄  
天成元寶後唐明宗年号至德年間安慶緒亦改元  
天成未知鑄錢否

天福鎮寶晉氏舊史以為趙石晉所鑄  
漢元通寶後漢劉知遠年號  
周元通寶後周世宗毀天下銅佛鑄  
以上錢係大唐至於五代末所鑄共四十二樣  
僭偽錢  
得一元通寶唐史思明僭鑄  
順天元寶見上  
保大元寶江南王璟鑄  
唐國通寶

大唐通寶南唐世家鑄五代史不載又有錢子

天感元寶未詳所鑄之地

壽昌元寶遼道宗壽昌年鑄

大興平寶錢之鏤有丁字疑五代僭為錢也

大德重寶偽殷王建所鑄之鏤有殷字者

乾亨重寶偽漢劉儼所鑄

永平元寶前偽蜀王建鑄

通政元寶

天漢元寶

光天元寶俱同上

乾德通寶前偽蜀王衍鑄

咸康元寶前偽蜀王衍鑄

廣政通寶前偽蜀孟昶元

以上係唐末并五代間僭偽所鑄共二十四樣

北地錢

乾亨通寶宋太平興國七年耶律隆序鑄

統和元寶宋太平興國八年耶律隆序鑄

大平元寶宋天禧五年耶律隆序鑄

清寧通寶宋至和二年耶律隆序鑄  
 咸雍通寶宋治平二年耶律洪基鑄  
 大康元寶宋寧熙七年耶律洪基鑄  
 大康通寶同上  
 大安元寶宋神宗元豐七年洪基鑄  
 乾通元寶徽宗崇寧元年延基鑄  
 天慶元寶宋政和二年契丹國主在燕山府鑄  
 阜昌重寶宋高宗建炎四年知濟南府劉豫叛降金  
 金人以山東河南陝西為濟國立豫僭號改元

阜昌以上並載于聖政錄及見紀年通譜

大定元寶金世宗鑄有甲酉字

正隆元寶金海陵王鑄於大元府


以上係北地錢共一十三樣

三韓重寶借書二樣 東國通寶借書篆二樣

東國重寶 海東通寶

海東重寶 朝鮮通寶貢書

以上係海東番錢共八樣董道錢譜引徐氏曰又有屋駝國錢徑七分厚薄肉好不異中夏敦素曰



字文若梵書凡十樣

宋朝錢

聖宋元寶 宋太祖鑄

太平通寶 宋太宗鑄

淳化元寶

景德元寶

祥符通寶

天聖元寶

皇宋通寶

宋元通寶 同上

至道元寶 宋真宗鑄

咸平元寶

太中通寶

天禧通寶 已上宋真宗鑄

景祐元寶

慶曆重寶

明道元寶

至和通寶

嘉祐元寶

治平元寶

熙寧元寶

元豐通寶 神宗鑄

紹聖元寶

元符通寶 已上宋哲宗鑄

崇寧重寶

至和元寶

至和重寶

嘉祐通寶 已上宋仁宗鑄

治平通寶 英宗鑄

熙寧重寶

元祐通寶

紹聖通寶

崇寧通寶 徽宗年号

大觀通寶

庶物類集 卷十七

政和通寶

重和通寶

宣和通寶

宣和元寶

靖康元寶

靖康通寶

建炎通寶

建炎元寶

建炎重寶

紹興元寶

紹聖通寶

隆興通寶

乾道元寶

淳熙元寶

熙寧元寶

慶元通寶

嘉泰元寶

開禧元寶

開禧通寶

嘉定元寶

大宋通寶

紹定通寶

端平元寶

端平通寶

嘉熙元寶

淳祐元寶

寶祐元寶

開慶元寶

景定元寶

咸淳元寶

德祐元寶

己上係宋朝錢共一百三十五樣

元朝錢鈔

庶物類集 卷十七

金屬

錢譜

十三

中統元寶 世祖造

至元中行寶鈔

至大銀鈔 武宗造

至大通寶 武宗造

皇慶通寶 仁宗

至治通寶 英宗

至和通寶

至正通寶 順帝年号

己上元朝鈔三樣錢一十四樣

庶物類纂金屬卷之十八目次

錢法

原物類集卷之六

錢法

國家開局鑄錢頒行天下所以重

王制。利民用也。自部鑄外。各省鎮或設或停。隨時更定。其設官監鑄。採銅搭放。咸有成法。私鑄及行。使廢錢禁例尤嚴。至寶源局隸工部者。茲不具載。

凡設官監鑄。順治元年置寶泉局。設鑪一百座。鑄順治通寶錢。每文重一錢。令戶部漢右侍郎一員。督理京省錢法。滿漢司官各一員。監督寶



泉局每年掣差河南陝西臨清宣府薊州延綏等省鎮開鑪鼓鑄令布政司總理就近道廳官分管○二年題准鑄錢每文重一錢二分每七分准銀一分舊錢每十四文准銀一分官以此徵收民以此輸納聽便行使○又令山西省及大同密雲二鎮開鑄○三年設寶泉局筆帖式二員馬法四名○又令開湖廣并荊州延綏鎮鼓鑄○又題准禁用舊錢送部者每觔給價八分以資鼓鑄○四年定每錢十文准銀一分○

又題准

盛京及江西河南廣東常德甘肅各開局鼓鑄○五年議准江寧設廠開鑄○又覆准停止延鎮局及


盛京局○六年令浙江山東福建各設局鼓鑄移大同局於陽和○七年令武昌襄陽各開爐鼓鑄○八年議准各布政司止各開一局餘俱停止○又議准鑄錢每文重一錢二分五釐不許輕重違式○九年停常德襄陽局令荊州鄭陽

各設局開鑄。○又題准各省鑄錢本息責成各該衙門按季報部年終彙報奏銷。○十年題准鑄造制錢務令精工背鑄一釐兩字戶部添一戶字各省添本省一字。江寧江字浙江浙字武昌武字福建福字山東東字臨清臨字太原原字陽和陽字宣府宣字薊州薊字河南河字陝西陝字鑄不合式者叅究。○十二年設山東萊州鼓鑄爐座。○十三年議准各州縣官錢本過三月不完者罰俸六個月再限三月又不完者住俸再展限三月仍不完者降二級調用接催官不完亦照例

處分如樣錢頒發而鑄造遲延及季報愆期鑄錢粗壤者俱罰俸一年。○又覆准移陽和局於大同改鑄同字。○十四年題准各省鑄局概行停止獨令寶泉局鼓鑄每文重一錢四分一面鑄順治通寶四漢字一面鑄寶泉二滿字。○十七年復設各省爐座雲南亦令開鑄。○十八年議准無厘字舊錢每觔給價七分收燬鼓鑄。○又題准鑄成康熙通寶樣錢頒發各省局依式鑄造順治錢仍舊行使。○康熙元年令停各省

鑄錢止留寶泉局江寧局。○又題准收買厘錢。每觔給價六分。○六年復開各省爐座添設蘇州鞏昌等處鑄局。照式鑄字。蘇州蘇字湖南南東字廣西桂字四川川字貴州貴字○九年停江寧蘇州江西湖廣福建山東山西河南陝西甘肅四川廣東廣西雲南貴州廠局。○十年停薊密宣三鎮局。○又題准廢錢盡數交官每觔給價六分五釐。○十三年停浙江鑄局。○十四年停臨清鑄局。○十八年議准復令湖廣鼓鑄。○又議准令滿右

侍郎一員。公同督理錢法。○十九年議准令滿漢科道官各一員稽察錢局。一年輪差。○又覆准漳州府設爐鼓鑄背鑄漳字。○二十三年議准鼓鑄制錢每文足重一錢。行文鑄錢各省俱照新式鼓鑄。○又議准督理錢法堂官及稽察科道監督司官俱開列應差職名題請。  
欽點。○二十五年覆准湖北湖南肇慶雲南鼓鑄年終造冊一次具題。  
凡採銅康熙十四年議准產銅及白黑鉛處所



有民具呈願採該督撫選委能員監管採取若  
地方官不准願採之民赴部控告查果採得鉛  
銅者將不准採取之官革職○十八年覆准各  
省採銅鉛處令道員總理府佐分管州縣官專  
司任民採取八分聽民發賣二分納官造冊季  
報近墳墓處不許採取事有未便該督撫題明  
停止道廳官如得稅銅鉛每十萬觔紀錄一次  
四十萬觔加一級州縣官得稅每五萬觔紀錄  
一次二十萬觔加一級所得多者照數議敘上

司誅求逼勒者從重議處其採取銅鉛先聽地  
主報名採取如地主無力聽本州縣人報採許  
雇隣近州縣匠役如有越境採取並衙役擾民  
照光棍例治罪

凡搭放順治十三年題准鑄錢搭放兵餉工食  
令州縣扣算刊入由單填註收簿○十四年題  
准徵收錢糧銀七錢三銀儘起解錢充存留之  
用○康熙七年覆准存留驛站官役俸工雜支  
等項俱照銀七錢三例收放制錢該督撫查取

所屬徵收流水底簿磨對年終將收放數目造冊報部如奉行不力指名題叅○十年令直省存留錢糧照數收錢上下通行方無壅滯有不收制錢者以違制論

凡禁令順治四年令各處不許私鑄偽錢及前代舊錢通行嚴禁○八年題准明秀廢錢願送部者量給價值如文到三月仍舊行使者責四十板枷號一個月地方官以溺職治罪○十年題准官爐夾帶私鑄者照枉法計贓坐罪○十

三年議准緝獲私鑄三次者紀錄一次○十四年議准私鑄為首及匠人俱處斬為從及知情買使者擬絞監候經紀鋪戶興販攪和私錢者責四十板流徙尚陽堡在京總甲在外十家長知私鑄而不首者照為首例治罪不知者責四十板徒一年有告捕者賞銀五十兩該管地方官知情任其私鑄者照為首例治罪不知情及聽其販賣攪和者照失察例處分五城坊官州縣衛所官失察每起降一級掌印兵馬司知府

直隸知州失察至二起降一級司道失察至三起一級同知通判吏目典史有捕盜之責者各照印官例運使照司道例分司照知府例大使照典史例副叅遊擊照司道例都司守備千總照州縣例如五城御史各撫按不行察叅者一併議處○又議准攬和廢錢舊錢者係民責四十板枷號一個月係旗下人鞭一百枷號一個月○十八年議准私鑄為首及匠人處斬家產入官總甲十家長知情者俱處斬家產入官不

知者枷號一個月責四十板徒一年為從及知情買使者立行處絞告捕者照例給賞該管地方官知情任其私鑄者照為首例不知失察者降三級調周如經紀鋪戶販賣攬和私錢者枷號一個月責四十板流徙尚陽堡在內五城坊官在外州縣衛所正官失察一起降二級二起降四級俱調用三起革職掌印兵馬司知府直隸知州失察一起降一級二起降二級三起降三級俱調用四起革職司道都司失察二起降

一級三起降二級四起降三級俱調用五起革職府州縣捕盜佐貳鹽場武職各官按職掌照新例處分五城御史該撫不行察叅者以疎忽治罪○康熙三年題准失察私鑄該州縣官并吏目典史衛所官各降三級調用知府直隸知州捕盜廳官各降一級調用司道都司各罰俸一年督撫罰俸六個月運使照司道例分司照知府例大使照典史例議處○四年題准官員不能疏通錢法仍將舊錢廢錢攬和行使者督

撫一起罰俸三個月二起罰俸六個月三起罰俸一年司道都司一起罰俸六個月二起罰俸一年三起降一級留任知府直隸知州一起罰俸一年二起降一級三起降二級俱留任州縣衛所官一起降二級二起降四級俱調用三起革職○七年題准攬和私錢十文以上照例治罪九文以下仍枷責免流徙○又題准私鑄人隣佑不分知情與不知情枷號一個月責四十六板徙一年○九年題准販賣攬和私錢五城御

史各該撫不行察叅者一起罰俸三個月二起罰俸六個月三起罰俸九個月四五起罰俸一年六起以上降一級留任○十年題准行使廢錢被人首告者廢錢入官制錢給賞首告之人本犯枷示係旗下鞭五十係民責二十板○十二年覆准銷燬制錢者犯人與失察官員俱照私鑄例治罪官員拿獲每一起紀錄一次至四起加一級傍人首告者所獲銅一半入官一半給賞除紅銅鍋及現存銅器不禁外其鑄造一

應銅器止許五觔以下違禁者係官革職係旗下人枷號一個月鞭一百係民責四十板流三千里所獲銅入官驍騎校失察照知縣例佐領照知府例叅領照司道例都統副都統照巡撫例議處撥什庫每一起鞭一百○十九年議准攙和廢錢舊錢行使者係民責四十板枷號一個月係旗下人鞭一百枷號一個月廢錢舊錢入官制錢給舉首之人戶部再賞銀十兩○二十三年議准錢局內爐頭匠役等有私鑄小錢



者令錢法侍郎并稽察錢局科道及監督等嚴行查緝如不行嚴拿別經發覺者俱議處○又令五城御史巡捕三營并步軍統領等嚴拿盜鑄私錢及銷燬制錢之人若別經發覺訪獲者五城三營并步軍統領官員俱照處分錢局官員例議罪○二十四年議准旗下人有犯私鑄者該管驍騎校降一級罰俸一年佐領降一級俱留任隣佑總甲十家長知情者照為從例治罪不知情者係旗下鞭一百係民責四十板係

官降一級留任旗下另戶人在本旗地方私鑄及銷燬制錢者照例治罪若別旗下人或民人在該旗地方私鑄銷燬失察者撥什庫鞭八十步軍校驍騎校罰俸半年佐領步兵副尉各罰俸三個月叅領罰俸兩個月都統副都統罰俸一個月犯人本旗該管官俱免議如家僕有犯其主係官降二級留任係平人鞭一百該管官免議賃房之主知情者照為從例治罪不知情者係官降一級留任係平人鞭一百其城外居

任及看墳家人有犯伊主照此例處分若看房  
家人賃與他人有犯者家人照房主例處分伊  
主免議在屯庄處有犯屯撥什庫知情者照為  
從例治罪不知情者鞭一百伊主及該管官俱  
免議

織造

順治初年寧蘇州杭州三局織造錢糧事宜俱  
隸戶部八年俱令工部管理康熙三年錢糧復  
歸戶部其織造事宜仍隸工部茲不具載

大清會典

